



Publicaziuns dalla vischnaunca, jamna 9

Damondas da baghegiar

2016-1011.000

Corrigenda

Datum dalla publicaziun: Ils 26 da fevrer 2016

Il patrun: Aluis Flepp-Hüppi, Via Clavianev 3A, 7180 Disentis/Mustér

Il representant: Flepp SA, Via Sorts 4, 7180 Disentis/Mustér

Object: Sanaziun dil baghetg cun midada d'intent, parcella 1409, Via Clavianev 13, 7180 Disentis/Mustér

2016-1014.000

Datum dalla publicaziun: Ils 4 da mars 2016

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: Biro d'inschignier Iso Mazzetta, Via Principala 125, 7166 Trun

Object: Sanaziun dalla sbuccada dalla Via Gonda ella Via Lucmagn, parcelas 963, 964, 947 e 765, Via Gonda e Via Lucmagn, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, igl 1. da mars 2016

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2015 – 1000.000

Ignazi Jacomet-Cabalzar, Via Peisel 22, 7186 Segnas; sanaziun dalla tegia, parcella 3927, Barschaus, 7186 Segnas.

Disentis/Mustér, ils 29 da fevrer 2016

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2016 – 2007.000

Cuminonza da proprietaris en condomini parcella 984, Via Veier 8, 7180 Disentis/Mustér; remplazzament da finiastras e storas, engrondir duas finiastras, ed adattar las duas fatschadas, parcella 984, Via Veier 8, 7180 Disentis/ Mustér.

Nr. 2016 – 2010.000

Rui Miguel De Carvalho Figueiras, Via Cons 5, 7180 Disentis/Mustér; construcziun d'in fuorn el liber, parcella 779, Via Cons 5, 7180 Disentis/Mustér.

Nr. 2016 – 2012.000

Markus e Cypriana Muri-Deflorin, Schellenrain 13, 6210 Sursee; construcziun d'in tgamin niev, casa sin parcella 1270, Via Acletta 45, 7180 Disentis/Mustér.



Encunter quellas decisiuns san ins protestar a scret enteifer 20 dis dapi la publicaziun alla suprazonza communal.

Disentis/Mustér, ils 29 da fevrer 2016
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna venderdis, ils 11 da mars 2016, allas 20.15 en casa communal.

Tractandas:

1. Marcus Weber: informaziun projects Resort Catrina e Pendicularas Mustér
2. Revisiun parziala dalla lescha davart igl allontanament e la purificaziun dallas auas e dil regulativ da taxas (messadi nr. 39-2013/2016)
3. Remplazzament dall'illuminaziun publica: Credit (messadi nr. 40-2013/2016)
4. Projects communal: Informaziun priorisaziun e finanziaziun
5. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Cussegl da vischnaunca

Meglieraziun funsila: Project e credit

En sia seduta dils 26 da fevrer 2016 ha il cussegl da vischnaunca sut il tgamun da Livio Zanetti tractau il project per ina meglieraziun funsila a Mustér e concediu persunter in credit brut da frs. 30 000 000.–.

Il territori agricol da nossa vischnaunca ei gronds e productivs, denton fetg parcellaus. Quel vegn oz aunc cultivaus, tgiraus e mantenius cun bia plascher e carezia. Igl ei nossa obligaziun da scaffir relaziuns che lubeschan era egl avegnir ina cultivaziun dil terren adequata al temps hodiern. Plainavon lein nus tuts segirar che nossa cuntrada creschi buca en dil tutfatg. La cultivaziun da praus, pradas e plauncas e la tgira dalla cuntrada fuorman in survetsch indispensabel all'entira populaziun. Igl ei nies duer communabel da far tut il pusseivel per ademplier quei pensum. Quei sa daventar mo cun scaffir relaziuns adequatas e structuradas che garanteschan existenzas optimalas. Cun ina reit da vias moderna eis ei era pusseivel da reducir considerablamein ils cuosts annuals da manteniment. En vesta alla gronda summa d'investiziun ed allas relaziuns finzialas da nossa vischnaunca ei in tal project mo pusseivels enteifer ina meglieraziun funsila. Il fatg che la confederaziun ed il cantun subvenziuneschan quei project cun la contribuziun maximala dad 85%, sutlingescha l'impurtonza dalla meglieraziun funsila dalla vischnaunca da Mustér. In project da tala dimensiun promova buca mo il puresser, mobein l'entira economia dalla vischnaunca, il forestalesser, il turissem e tuts interess publics. Il project dalla meglieraziun vegn a cuzzar entuorn 30 onns e generescha onn per onn investiziuns denter 900 000.– ed 1,1 milliun francs che vegnan subvenziunadas per 85%. La contribuziun communal muntatotalmein a rodond frs. 4 670 000.–. En vesta a quei volumen d'investiziun ei la cumpart annuala dalla vischnaunca da frs. 100 000.– entochen frs. 150 000.– supportabla e responsabla. Il project dalla meglieraziun funsila periclitatescha muort il liung temps da realisaziun e las mudestas contribuziuns communalas strusch ulterius projects.

Il cussegl da vischnaunca ha suenter ina buna ed engaschada discussiun approbau unanimamein il project dalla meglieraziun funsila sur igl intschess dalla vischnaunca da Mustér e concediu unanimamein il credit brut necessari da frs. 30 000 000.– per mauns dalla votaziun dil pievel.

Mesjamna, ils 6 d'avrel 2016 ha liug ina sera d'informaziun el Center Sursilvan d'agricultura. La votaziun all'urna ei prevedida dumengia, ils 24 d'avrel 2016.

Suprazonza communal



Invitaziun Seniora-ca

Proxima sentupada: Gievgia, ils 10-3-2016 dallas 14.00–16.00 en Puntreis

Pader dr. Urban Affentranger da nossa claustra relata sur la viseta da Carlo Borromeo a Mustér. Quella ei gest stada avon 435 onns e ha giu gronda impurtonza per nossa vischnaunca.

Geraua Cecilia Maissen-Desax, persuna da contact

Controlla da habitonts

Naschientscha

Giger Salomo, naschius ils 29 da fevrer 2016, fegl da Flavio e Rosangela Giger-Klaiss

Clom d'urgenza 118

Preziadas vischinas, preziai vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntontscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn! *Vos pumpiers Sursassiala*

Preavis

La radunonza generala dalla corporaziun d'aua Spina da Vin ha liug mardis Pastgas, ils 29 da mars 2016 allas 20.15 el hotel Alpsu, Disentis/Mustér.

Suprastonza, corporaziun d'aua Spina da Vin

Der Generaldirektor der SRG im Forum Kloster Disentis

Am **Mittwoch, 9. März 2016**, um 20.30 Uhr spricht im Peter-Kaiser-Saal der Generaldirektor der SRG, Roger de Weck, über das Thema «Globalisierung, Digitalisierung, Interaktivität: Die drei Medienrevolutionen und die SRG». Herzliche Einladung

*Kloster Disentis,
P. Urban Affentranger*

Stallkino – Cinema Salaplauna

Film: Thuletuvalu (CH 2014)

Mittwoch, 16. März, 20 Uhr Filmstart

Zwei Dörfer sind vom Klimawandel besonders betroffen: Thule, das nördlichste Dorf Grönlands und Tuvalu, eine Koralleninsel im Pazifik. Der Schweizer Regisseur Matthias von Gunten berichtet von jenen Menschen, die sich mit dem Wandel arrangieren müssen.
Kollekte.



Lia Rumantscha

«Las flurs dil di»

In teater romontsch dad Arno Camenisch

Venderdis, ils 18-3-2016

20.00 Concert cun Pascal Gamboni en la manufactura zai a Mustér. Negina reservaziun.

Sonda, ils 19-3-2016

20.00 «Las flurs dil di». In teater romontsch dad Arno Camenisch en halla da gimnastica a Danis-Tavanasa.

23.00 Arno Camenisch e Julian Sartorius en l'ustria Staziun a Tavanasa.

Dumengia, ils 20-3-2016

17.00 «Las flurs dil di». In teater romontsch dad Arno Camenisch en halla da gimnastica a Danis-Tavanasa

Reservaziun: lasflurs@yahoo.com, tel. 077 405 78 42.

Inserat!

Uniun da dunnas Mustér

Suentermiezidi da Pastgas

Cordialmein envidein nus en ils affons naven da 5 onns ensi per far lieurs da pastgas cun pasta. Nus s'entupein **mesjamna, ils 16 da mars**, allas 14.00 avon l'entrada dalla claustra.

Annunzias pren bugen encunter: Susanne Strupler, telefon 081 936 43 14, entochen ils 13 da mars 2016.

Sin Tia participaziun selegran *menadras affons 5+*

Uniun da gimnastica umens UGM

Invit alla radunonza generala, gliendisdis, ils 14 da mars 2016 allas 19.00 en il hotel Alpsu.

Suenter la radunonza vegn offeriu l'usitada tscheina.

A stedia partizipaziun envida *la suprastonza*

Club da tennis Mustér

Invitaziun alla radunonza generala, sonda, ils 12 da mars 2016 allas 18.30 el Buffet dalla staziun, Mustér

Gliesta da tractandas:

1. Beinvegni
2. Elecziun dumbravuschs
3. Protocol dalla radunonza generala dils 14-3-2015
4. Rapports
 - President
 - Interclub
 - Meinaturnier
 - Juniors
5. Quen 2015 e rapport dils revisurs
6. Contribuziuns annualas
7. Budget 2016
8. Entradas/extradas
9. Elecziuns
 - Vice-President



- Cassier
 - Cau da juniors
 - Meinaturnier
 - 1 Revisur(a) da quen
10. Program da stad
11. Varia

Cordialmein envida
Suprastonza club da tennis Mustér
